

পটুয়াখালী কৃষি কলেজ

এবং রুজু দ্বার

১৯৮০ সালে পুনরীকৃত পটুয়াখালী কৃষি কলেজ স্থাপিত হওয়ার পর থেকে প্রতিবছর সেখানে শুধুমাত্র ছাত্রদের ভর্তি করা হচ্ছে। এই কলেজটি ময়মনসিংহ কৃষি বিশ্ববিদ্যালয়ের কোম মতোবেক পরিচালিত হয় এবং চার বছর কোর্স শেষ করে প্রতি বছর কৃষি গ্রাজুয়েটরা বের হয়। কিন্তু দুঃখের বিষয় হচ্ছে এখানে কেবলমাত্র ছাত্রদের ভর্তি করা হয়। ছাত্রীদের জন্য সেখানের দরজা অরুদ্ধ, বলতে গেলে নিষিদ্ধ। প্রতিবছর বরিশাল, পটুয়াখালী, ভোলা, বরগুনা সহ দক্ষিণাঞ্চলীয় জেলাসমূহ থেকে প্রায় দশ হাজার ছাত্রী উচ্চ মাধ্যমিক পাস করে কৃতিত্বের সাথে। বরিশাল থেকে দেশের সকল বিশ্ববিদ্যালয় অনেক দূরে বলে অভিবাসিতকরণ মেয়েদের সেখানে পাঠাতে চান না। আবার বরিশাল থেকে মাত্র ২৫ কিলোমিটার দূরের পটুয়াখালী কৃষি কলেজে অভিবাসিতকরণ তাদের মেয়েদের পড়তে দিতে চাইলেও কলেজ কর্তৃপক্ষ সে অধিকার বন্ধ করে রেখেছেন। যদি কলেজ কর্তৃপক্ষ মাত্র ১০ জন করেও মেয়েকে ভর্তি হওয়ার সুযোগ দিতেন প্রতিবছর তাহলেও অন্তত সেই দশ জনতো সুযোগ পেতেন উচ্চ শিক্ষার। ছাত্ররা না হয় দূরদূরান্তে গিয়ে বিশ্ববিদ্যালয়ে ভর্তি হতে পারবে, কিন্তু এই দক্ষিণাঞ্চলীয় মেয়েদের কি হবে, একবার কি কর্তৃপক্ষ ভেবে দেখেছেন? এর আগেও আমরা কলেজ কর্তৃপক্ষের কাছে অনেক আবেদন করেছি, কিন্তু তারা কোন জবাব দেননি। কর্তৃপক্ষ বলছেন যে, তাদের আবাসিক হল না থাকার কারণে ছাত্রী ভর্তি করবেন না। অথচ একথা সবাই জানে যে, কলেজের প্রত্যেকটি ছাত্রই হোষ্টেলে থেকে লেবা-পড়া করে। তাহলে কেন এই অজহাত শুধু মেয়েদের ক্ষেত্রে? আমাদের আবেদন কর্তৃপক্ষ আমাদের জন্য উচ্চ শিক্ষার এই রুজু দ্বার খুলে দিন। আমরা কথা দিচ্ছি যদি কলেজ কর্তৃপক্ষ আমাদের গাছতলায় থেকেও লেবা-পড়া করতে বলেন তাহলেও আমরা রাজি আছি। তবুও আমরা কৃষি শিক্ষায় শিক্ষিত হয়ে দেশের জন্য কিছু করতে চাই।

দিলরুবা আখতার, বিলকিস চৌধুরী, সুননা, মুনী, পাপিলা, শান্তা, রেহানা,

কাউনিয়া, বরিশাল।

৫০